

書蟲出校園實踐社責

依家嘅大學生，絕對唔係書蟲，好多都積極關心社會，參加各種活動。就好似香港社聯同花旗銀行合辦的「大學生社責實踐計畫」，今年已經舉辦了第6年，由近70名來自本港9所大學的商科生，今年7至8月到非牟利機構做實習，為機構進行籌款、

品牌建立及營運等工作，昨日舉行嘉許禮表揚參與的學生。

呢班學生大部分都係修讀工商管理及市場學，實習期間可以學以致用。社聯提到，唔少非牟利機構員工，本身無運用社交媒體的知識，亦無咁嘅資源，呢個時候

實習學生就可以大展所長啦。有實習學生上台分享經歷，話臨近今年中秋，他們透過社交媒體Instagram，為非牟利機構宣傳自家製月餅，最後賣了近600盒，成績好唔錯。花旗集團香港及澳門區行長盧韋柏就話好支持活動，仲叫同學唔好睇小自己，同學仔可能只係舉手之勞，例如幫機構搞個facebook活動，但已經對機構意義重大。



■ 香港社聯同花旗銀行合辦的第六屆「大學生社責實踐計畫」昨日舉行嘉許禮。
關偉華攝